



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԷՆԵՐԳԵՏԻԿԱՅԻ
ՀԱՆՁՆԱԺՈՂՈՎ
ՈՐՈՇՈՒՄ**

12 փետրվարի 2001 թվականի №5
ք. Երևան

**«ՀԱՅԳԱԶԱՐԴ» ՓԱԿ ԲԱԺՆԵՏԻՐԱԿԱՆ ԸՆԿԵՐՈՒԹՅԱՆԸ
ՋԵՐՄԱՅԻՆ ԷՆԵՐԳԻԱՅԻ ԲԱՇԽՄԱՆ ԳՈՐԾՈՒՆԵՈՒԹՅԱՆ
ԼԻՑԵՆԶԻԱ ՏՐԱՄԱԴԻԵԼՈՒ ՄԱՍԻՆ**

Հիմք ընդունելով «Էներգետիկայի մասին» ՀՀ օրենքի 20-րդ հոդվածի «բ» կետը և 42-րդ հոդվածը, ՀՀ Էներգետիկայի հանձնաժողովի 1998 թվականի օգոստոսի 28-ի №39 որոշմամբ սահմանված կարգը և ելնելով սպառողներին ջերմային էներգիայի հուսալի ու անվտանգ մատակարարման ապահովման անհրաժեշտությունից, ՀՀ Էներգետիկայի հանձնաժողովը **որոշում է.**

1. Բավարարել «Հայգազարդ» փակ բաժնետիրական ընկերության ներկայացրած հայտը և տրամադրել Շիրակի մարզի Մայիսյան գյուղի վարչական տարածքում ջերմային էներգիայի բաշխման գործունեություն իրականացնելու լիցենզիա՝ 2 տարի գործողության ժամկետով:
2. Ընդունել ի գիտություն, որ լիցենզիան սահմանված կարգով կգրանցվի և ուժի մեջ կմտնի պետական տուրքի վճարումը հաստատող փաստաթուղթը «Հայգազարդ» ՓԲԸ-ի կողմից ՀՀ Էներգետիկայի հանձնաժողով ներկայացվելուց հետո:

**ՀՀ ԷՆԵՐԳԵՏԻԿԱՅԻ ՀԱՆՁՆԱԺՈՂՈՎԻ
ՆԱԽԱԳԱՀ՝**

Վ.ՄՈՎՍԵՍՅԱՆ